



**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel  
Francofurti Ad Moenum, 1690**

Capvt IX. Idem. Winton. Episcopo.

---

[urn:nbn:de:hbz:466:1-74544](#)

## N O T A E.

<sup>a</sup> **E**uriensi.) Ita legitur in prima collectione, *sub hoc tit. cap. 7.* quamvis in priore ejus parte, quæ extat *sub tit. de officio Ordinarii, cap. 4.* in eadem collect. ex qua restituo integrum literam hujus textus, legatur *Gen. Episcopo:* in cuius notis Augustinus asserit legendum esse *Genuensi Episcopo;* sed male, cùm obliter inscriptio ipsa ibi, *Episcopo.*

Quare credo retinendam esse inscriptionem *Euriensi*, quæ extat in dicta prima collectione: *Euria enim, aliquando Euroma dicta, est in provincia Nicopolitana Illyrici Orientalis, cuius Episcopus Theodorus subscriptus Concilio Constantinopolitano temporibus Agathonis, & Menze celebrato.*

<sup>b</sup> *Crimine.*) Cuius punitio spectat ad judicium Ecclesiae, juxta tradita in *cap. 2. de officio ordinis.*

## C A P V T VII.

Idem <sup>a</sup> *Gaietan. electo.*

**C**VM P. Manconella presbyter. *Et infra:* Purgatores illius honestatis, & opinio-  
nis esse volumus, quod verisimile sit eos nolle amore, vel odio, seu obtentu-  
cunia dejerare. Ut autem idonei apparent, necesse est, ut ejus, quem purgare de-  
bent, vitam & conversationem agnoscant. Deficientem verò in purgatione omni  
officio, & beneficio ecclesiastico privare procores: præcavens, quod si qui purgan-  
do in sua voluerint purgatione assistere, nullam eis malevolentiam, vel indignatio-  
nem ostendas, nec eos impediendas, vel ab aliis, quantum in te est, impediti permittas,

## N O T A E.

<sup>a</sup> **G**aietan.) Ita legitur in prima collectione, *sub tit. de accusationibus, cap. 12.* post Con-

cilium verò Lateran. *part. 50. cap. 14.* legitur *Gaietan.* sed veram ejus inscriptionem dedi in *cap. cum P. de accusat.*

## C A P V T VIII.

<sup>a</sup> *Lucius III.*

**E**X tuarum intelleximus continentia literarum, quod cùm H. presbyterum latorem præsentium, quia infamabatur de homicidio, communicato fratrum consilio in Episcopatu tuo à sacerdotali officio suspendisses, bonæ memorie prædecessoris tui literas tulit in medium, quibus apparuit eum judicio aquæ frigide suam innocentiam purgavisse, & Episcopum eum suis literis absolvisse: & scholaris, & qui homicidium instigante diabolo perpetraverat, immunem seipsum à criminis tactis sacrofanciis Evangelii affirmavit. Quia verò cùm peregrina <sup>b</sup> judicia sa-  
crist canonibus sint inhibenda, purgationem, quam præstiterit, sufficere non puta-  
mus: f. t. per A. f. m. quat. si accusatores minimè idonei inventi fuerint, qui cum  
de homicidio convincere possint, ut cum VII. aut V. manu sui ordinis, sicut expe-  
dire cognoveris, per purgationem canonicam innocentiam suam ostendat, injun-  
gas; quam cùm præstiterit, suspensionem sine mora, & difficultate relaxes, & eum  
testimonii boni adjungi, ab infamia homicidii, nullius cont. vel ap. ob. auctori-  
tate nostra fretus absolvias. Is autem, qui infamatur, scese immunem à crimen ho-  
mocidii præstito juramento firmabit, & purgatores, quod eum credant verum ju-  
rasse, jurare debebunt.

## N O T A E.

<sup>a</sup> **L**ucius III.) Ita etiam legitur in prima col-  
lectione, *sub hoc tit. cap. 5.* post Concilium au-  
tem Lateran. *part. 50. cap. 50.* habetur *Curen Episcopo.*  
Cures enim, seu Curis, est civitas Italiae in provin-

cia Valeria, teste Strabone *lib. 9.* cuius Episcopus  
Tiberius subscriptus Concilio Romano sub Hilario celebrato, ut refert Carolus à sancto Paulo  
*lib. 1. geograph. sacr. fol. 57.*

<sup>b</sup> *Judicia.*) Ut probabimus *infra, tit. proximo.*

## C A P V T IX.

Idem. <sup>a</sup> *Winton. Episcopo*

**C**onstitutus in præsencia nostra P. Diaconus de Botha, suâ nobis assertione mon-  
stravit, &c. *Et infra:* Præterea illud nobis non modicam admirationem indu-  
cit, quod purgationem oblatam recipere noluisti, nisi priùs commendas nomina  
singulorum

Singulorum qui jam dictum P. purgare volebant, & de nationibus, & de cæteris super predictis prius inquireres diligenter, tanquam esse ordinariem facturus. Vt in amicis discuteres ordinandos. Sanè in purgationibus faciendis, cùm satis sit illi, qui purgando exhibet juramentum, si secundum propriam conscientiam, & opinionem jurat, quod purgandus à crimen sit immunis, & bonum exhibuit juramentum, si purgatores ab Ecclesia tolerentur, & sunt bona fama, in suis ordinibus ministrantes, nec in judicio pro crimen condemnati, procul dubio sunt absque ullius indagine admittendi.

## NOTÆ.

<sup>a</sup> **Wintoniensi.** } Ita etiam legitur in prima collectione, sub hoc tit. c. 6. post Concil.

autem Lateran. part. 8. cap. 21. tantum *Lucius III.*  
de Wintoniensi Anglia diœcesi egit in cap. cum  
Winton. de elect.

## C A P V T X.

*N<sup>a</sup> Senonen. Archiepiscopo.*

Inter solitudines nostras illa debet esse præcipua, ut capiamus vulpeculas, quæ moluntur vineam Domini demoliri, species quidem habentes diversas, sed caudas admodum colligatas, quia de vanitate convenienter in id ipsum. Hi sunt namque capones, qui aquam vino commiscant, qui virus draconis in aureo calice Babylo-nis propinant; qui (juxta verbum Prophetæ) arcum rem amaram intendunt, ut sagittent innoxios in occultis; quorum error serpit ut cancer, ita quod nisi botrus in flore lœdatur, fructum non solum amarum, sed etiam pestiferum germinabit. Hos Apost. egregius prædictor in epistola sua propheticō sermone describit, & docet omnimodis evitandos. Contra quos sacerdotes tubis argenteis clangere debent, ut conclamante populo, arca fœderis præcedente, muri corrunt Hierico, quæ jam fuerat perpetuo anathemate condemnata; ita quod si quis ex ea vel regulam auream furari præsumperit, cum Achor filio Charmi lapidibus obruatur. Tu ergo sicut vir providus, & discretus, veri pastoris adimples officium, & super grege tibi commissio pure, ac plenè solitudinem pastoralem exerces, dum & legem Christi zelaris, & hæreticorum impugnans errorem, in fautores ipsorum exeris gladium canonicæ ultionis. Vigilans enim vigilas super grege tuo, ne reliquo veri Pastoris ovili, quod est unum, oves aberrent, post vestigia gregum, qui non sunt ex eo, temere abundantes; vel ne lupus eas rapiat, & dispergar, quas veritas in eodem ovili sub uno pastore fidei Catholicæ coœnivit. Inter præciuos quidem vineæ Domini Sabaoth agricolas deputatus, vulpeculas, quas descripsimus, non pateris ejus speciem demoliri, sed eas vel capere potius fatigis, vel fugare. Sanè sicut ex literis tuæ fraternalitatis accepimus, cum ad preces venerab. fratris nostri Altissiodoren. Episcopi ad villam, quæ charitas dicitur, accessisse, præsentibus eodem, & venerabilibus fratribus nostris Nivernen. & Melden. Episcopis, in unum fecisti ejusdem villæ populum congregari: ubi de hæreticis, & eorum dogmatibus inquisitione diligentibus habitar, inter alios, quos super hæretica pravitate reperisti publicè infamatos, Decanum Nivernen. communis didicisti opinione gravari, & in eo, & per eum non modicum fuisse scandalum Catholicorum animis declaratum. Vnde propter vehementem infamiam, & grave scandalum ipsum ab officio, & beneficio suspendisti, apud Altissiodorem, diem ei certum affixans, quo tuo se conspectui præsentaret ab officio crimine defensurum. Cùmque statuto termino ad tuam præsentiam accessisset, præsentibus dictis Altissiodoren. & Nivernen. Episcopis, ac pluribus in utroque jure peritis, cum certus accusator contra eum minimè compareret, tu ex officio tuo testes tam pro ipso, quam contra ipsum recipi, ac diligenter examinari fecisti, & attestaciones etiam publicari. Cumque postmodum se non ad concessum ei dicim tuo se conspectui præsentasset, cum facultatem liberam indulgessem in testes ac eorum dicta dicendi, ac proponendi suas in medium rationes, quibusdam propositis probationibus, & allegationibus, tandem renuntians, sententia postulavit. Tu vero cum venerabilibus fratribus nostris Trecen. ac dictis Altissiodoren. & Nivernen. Episcopis secedens in unum, inspectis attestationibus diligenter, & adhibito plurium consilio sapientium, quia crimen contra eum liquido probatum non erat, ipsum non duxisti de hæresi condemnandum. Verum quoniam ex dictis